

SETA NEOEI

NO. 269

Migmaoi Solnaltijitj

SEPT. 1909

LE MESSAGER MICMAC

Petit Journal Mensuel publié par le R. P. Pacifique, Missionnaire, à Sainte-Anne de Restigouche, P. Q. Paraît le 1er du mois. Abonnement, 50 sous.



THE MICMAC MESSENGER

Yearly Subscription, 50 cents; Single Copies, 5c. For Ads. see last page. Address all communications to Rev. F. Pacifique, Restigouche, P. Q.

PATLIASEOEI GELOSOAGAN

Aptj gitjgatj engasig ola oigatigen ot tepgenoset, meta me pegitji abarnoei gtagamgog ag onamagig ag ootjiei glapis gentpilg. Ongkijitotemoig og nitjantet, tan mesi gittemolôgop pôgtamg etog oli miseleoimgeoei tepgenoset. Atji ptjeto etjgolet ma tji pgitji sgipesoltioog.

Tjel nigetj ola tepgenoset gagiag neotipongegeoei teli apengetemegsep solnaltijitj, otjit pigoolgig Inog. Getj menagatj angaptemog tan osgitog oigasig goisenoo nespi oigasig gitjagan **Sept. 1 09** gisna piloei tepg. tan gis jagietj, netna tlisip gagiag neotipongegeoei, ag minoi apengetemeg ageitaig neotagig, tjel gis gagaisitjig telotipenig, ola tet nigetj nemitotag osgitog oigasig **Sept. 1, 10**, netna gôg-**oatjioitjig** misôgo aptj gteg igag teotipongeg. Ag moioatemagig, netna notji litaganoigiget ma oigemolôg solnaltijitj otjit pisolio, ag mo apôgônemioog ma ntaoi apengetoag.

Nige oesgagemolôg gilco tesiog ola nipgel nemitigop, oeli nenotielmolôg ag moioatemolôg teli oli mesioog gemetgioag, teli oli angoeioiôg ag tjigsetoiôg, teli maoi alasoatmatigop ag teli msegatetemôg, nagalnôgeg, miset tan piteg ngamilamonigtog, ag negao alasoatmelseotôg.

Tanig pagapogoatitjig, maligomitjig 40 etog, pôtliotog 168 ag 6 mitjoatitjig 380 oesgagematitjil pesemgeoei, mio-pogoo 75 ag 110 semicoltitjig ag 12 mitj. Norris' Arm 34, goesômgiag 14 ag gitjigang 18.

Tôgo pôgômgeg 23, 3 mitjoatitjig ag 3 aglasieoisgoag; oegôpegitg 19 tesitjig; gentpilg 22 ag 5 mitjoatitjig; gôspemg 23 ag 6 mitjoatitjig.

Sistoei elogotingel, goeltamolting ag gsepeteg tlisip soneolung neo teli gisgegel, netna pasog neogt oatjoi atalemeg ag môgoe oios malgôtememeg.

PATLIASEOEI OIGATIGEN

Nigola Gietol etoigatigen miapogooeg gtagamgog.

Johnstown, onamagig, miseleoimgeoei tepgenoset 6 tes.

Me, nitjan.

Ein onamagig mesnemanel gtoigatigen gisageoigos 24 tes. ag moioatemol gtagasotmaganam. Etog gis gtitjitoog nagalnôgeg teli moamgoasigsep oelagoeg ag teli gtegonierseoei menigoigtog. Sgato elp pogteoei-olig teli nagasigsep tjel gisi tepatiegsep Pushtarough ag nagalgep spatliaseomoô Power Harbour Breton ag oeli igaeip Placentia tan me nagatitjigele gisi nemigep nigani gtjipatlhas St. John's teli gôjtjino Howley ag elp tan etli patliaseoit Mgr. Reardan teli ometôg. Elp ootjiei Harbour Grace, gegentioimgeg mesgig alames eltoep gtjiasasotmôgoômig ag gotjino gtjipatlhas March melgignôti ignemoitj ngisi ginamoan mo tani otjipatlhasoagimigtog etlagatemilitji. Ootji matias ootji Norris' Arm tan igal pasog neot atjietj gisi mioalagoeg. Natel asegatieg moei sagmao, ag oelmetôg Sôsep ag gtegeg pigoolgig natel gigtjio tlegig, gisna nipogtog ootji toitatjig tan teli agaseoltitjig natami nesisgogsitjig. Elp notjiôgôneg nemigig Plansee Pal ag Noel ag ogoistitjig, tôgo Oelliem Tôpen ag otepitemel ag Maltitjig; elp Bay of Islands Oellien Brown ogoisg taposilitji. Sgato gionagatj ootji olgitjasi nemitieg sag moei patliaseoit Adams tan gigtjio notjiôgôneg nige teli patliaseoit. Oig getgom agentioimgeg ag geginamoel oentjotog ag negem getoi moatôgôg apôgônematimgeoeititj otjit nipenogoei pestleoimig tan tet teli nemitoteg eoigasig. Lôg moioalg ag gotjino gtjipatlhas McNeill tan teli ollimis.

Nige natagamasianel lôg gisnogoap; eln tepetog igal goesômgiag Lisal Pelnal ag gtegeg Inog asegoititj ag tegôg